



Broj: 07-11-49/26
Vogošća, 17.03.2026. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14, 59/22 i 50/24), i čl. 71. i 125. Statuta Općine Vogošća ("Službene novine Kantona Sarajevo", broj: 27/14, 14/15, 9/20 i 23/24), Općinski načelnik dana 17.03.2026. godine donio je

ODLUKU
O IZBORU NAJPOVOLJNIJEG PONUĐAČA ZA NABAVKU RADOVA NA IZGRADNJI
SPOMEN OBILJEŽJA POGINULIM BORCIMA ARMIJE RBiH U VOGOŠĆI - NASELJE
KOBILJA GLAVA (DISLOKACIJA I PONOVDNA IZGRADNJA)

Član 1.

Ponuda ponuđača "DINALSA" d.o.o. Sarajevo, ulica Huseina Đoze br. 3, Sarajevo, odabrana je za nabavku radova na izgradnji spomen obilježja poginulim borcima Armije RBiH u Vogošći - naselje Kobilja Glava (dislokacija i ponovna izgradnja), kao prvoplasirana na Rang listi, sa ponuđenom ukupnom cijenom nabavke u iznosu od 129.909,02 KM bez uračunatog PDV-a, odnosno 151.993,56 KM sa uračunatim PDV-om.

Član 2.

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 06.02.2026. godine donio Odluku o pokretanju Otvorenog postupka nabavke radova na izgradnji spomen obilježja poginulim borcima Armije RBiH u Vogošći - naselje Kobilja Glava (dislokacija i ponovna izgradnja), zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 10.02.2026. godine pod brojem: 1353-1-3-32-3-48/26.

Sažetak Obavještenja o nabavci objavljen je u "Službenom glasniku BiH" broj: 11/26 od 13.02.2026. godine.

Tendersku dokumentaciju sa Portala javnih nabavki BiH je preuzelo 9 (devet) ponuđača. Krajnji rok za dostavu ponuda bio je 04.03.2026. godine do 10:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 04.03.2026. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07-11-49/26 iz februara 2026. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 2 (dvije) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"GRBO KINGSTONES" d.o.o. Sarajevo	129.986,78	/	/	152.084,53
2	"DINALSA" d.o.o. Sarajevo	129.909,02	/	/	151.993,56

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača "GRBO KINGSTONES" d.o.o. Sarajevo ne ispunjava formлно-pravne uslove tražene Tenderskom dokumentacijom, odnosno ponuđač je u ponudi dostavio Diplomu sa neodgovarajućim stepenom stručne spreme za jedno lice elektro struke.

Naime, Tenderskom dokumentacijom u tački 7.4.1. b) navedeno je:

- b) obrazovne i profesionalne kvalifikacije lica koja su angažovana na izvođenju konkretnih radova i to:
 - 1 (jedno) lice VSS VII stepen-dipl ing. građevine odnosno visoko obrazovanje najmanje prvog ciklusa (koji se vrednuje sa najmanje 240 ECTS bodova) ili drugog ili trećeg ciklusa Bolonjskog sistema studiranja-građevinske struke, sa položenim stručnim ispitom i 3 (tri) godine radnog iskustva u struci ili inženjer građevinarstva (VI stepen), odnosno visoko obrazovanje prvog ciklusa Bolonjskog sistema studiranja (koje se vrednuje sa 180 ECTS bodova), sa položenim stručnim ispitom i 5 (pet) godina radnog iskustva u struci,
 - 1 (jedno) lice koje ispunjava uslove za obavljanje poslova predradnika (poslovođe), građevinske struke, minimum IV stepen stručne spreme i 3 godine radnog iskustva u struci,
 - 1 (jedno) lice, SSS ili VŠS-III ili V stepen, smjer rukovalac građevinskim mašinama (KV ili VKV rukovaoci građevinskim mašinama),
 - **1 (jedno) lice, SSS ili VŠS-III ili V stepen elektro struke, (KV ili VKV električar),**
 - 3 (tri) NK radnika.

Tačkom 7.4.2. b) traženo je da se u Ponudi dostavi:

- b) - Diploma o završenoj VSS i Uvjerenje o položenom stručnom ispitu za jednog dipl ing. građevine (VII stepen) i dokaz o radnom iskustvu i radnom angažmanu, odnosno Diploma i Uvjerenje o položenom stručnom ispitu za visoko obrazovanje najmanje prvog ciklusa (koji se vrednuje sa 240 ECTS bodova) ili drugog ili trećeg ciklusa Bolonjskog sistema studiranja građevinske struke i dokaz o radnom iskustvu i radnom angažmanu ili Diploma o završenoj VSS i Uvjerenje o položenom stručnom ispitu za inženjera građevinarstva (VI stepen), odnosno Diploma i Uvjerenje o položenom stručnom ispitu za visoko obrazovanje prvog ciklusa Bolonjskog sistema studiranja (koje se vrednuje sa 180 ECTS bodova) i dokaz o radnom iskustvu i radnom angažmanu;
 - za 1 (jedno) lice koje ispunjava uslove za obavljanje poslova predradnika (poslovođe), građevinske struke, minimum IV stepen stručne spreme potrebno je dostaviti Diplomu /Svjedočanstvo o završenoj traženoj stručnoj spremi i dokaz o radnom iskustvu i radnom angažmanu,
 - za 1 (jedno) lice, SSS ili VŠS-III ili V stepen, smjer rukovalac građevinskim mašinama (KV ili VKV rukovalac građevinskim mašinama) potrebno je dostaviti

Diplomu/Svjedočanstvo o završenoj traženoj stručnoj spremi i dokaz o radnom angažmanu,

- za 1 (jedno) lice, SSS ili VŠS-III ili V stepen elektro struke, (KV ili VKV električar) potrebno je dostaviti Diplomu/Svjedočanstvo o završenoj traženoj stručnoj spremi i dokaz o radnom angažmanu,

- za 3 (tri) NK radnika potrebno je dostaviti dokaze o radnom angažmanu (za traženu stavku se u obzir uzimaju i radnici sa većim stepenom stručne spreme).

Napomena I: Dokazi koji se dostavljaju moraju biti originali ili ovjerene kopije.

Napomena II: Dokazi o radnom iskustvu za sve tražene osobe mogu biti Izvod iz matične evidencije uposlenih (PIO/MIO) ili Potvrde-Uvjerenja izdata od strane poslodavca.

Napomena III: Dokazi o radnom angažmanu za sve tražene osobe mogu biti Lista osiguranih lica iz Poreske uprave-nadležne ispostave, Ugovor o djelu ili Ugovor o poslovno tehničkoj saradnji, shodno tački 7.4.1 b).

Ponuđač je u ponudi dostavio za jedno lice elektro struke Diplomu IV stepena stručne spreme – zvanje elektrotehničar energetika, a tenderskom dokumentacijom je traženo III ili V stepen stručne spreme – KV ili VKV električar.

Zbog prethodno navedenog, a u skladu sa odredbom člana 2. stav I alineja 2 i člana 68. stav 4. alineja i) Zakona o javnim nabavkama BiH ("Službeni glasnik BiH", broj 39/14, 59/22 i 50/24) predmetna ponuda je neprihvatljiva jer ne ispunjava kriterije za kvalifikaciju privrednog subjekta.

Detaljnim postupkom pregleda i ocjene ponude, Komisija za javne nabavke je utvrdila da de ponuda ponuđača:

- "DINALSA" d.o.o. Sarajevo

ispunjava formalno pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela pristiglih ponuda ponuđača, te je izvršena računska provjera dostavljenih ponuda i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Član 2. stav (1) tačka I) Zakona o javnim nabavkama BiH ("Službeni glasnik BiH", broj 39/14, 59/22 i 50/24) propisuje da je neprihvatljiva ponuda "čija cijena prelazi planirana, odnosno osigurana novčana sredstva ugovornog organa za nabavku ili ponuda ponuđača koji ne ispunjava kriterije za kvalifikaciju privrednog subjekta".

U otvorenom postupku javne nabavke i konkurentskom zahtjevu za dostavu ponuda, neprihvatljivost ponude se ocjenjuje u toku postupka, a u slučaju da je predviđena e-aukcija, neprihvatljivost se ocjenjuje prije zakazivanja e-aukcije".

Tenderskom dokumentacijom-tačkom 9.4. (Ispravka računskih grešaka i E-aukcija), a u skladu sa Pravilnikom o uslovima i načinu korištenja E-aukcije ("Službeni glasnik BiH" broj: 80/23) predviđen je postupak E-aukcije, koji uključuje podnošenje novih cijena, izmijenjenih naniže, ili cijena i novih (poboljšanih) vrijednosti koje se odnose na određene elemente ponuda, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u informacionom sistemu E-nabavke. Međutim, kako je ostala samo jedna ponuda koja ispunjava formalno pravne uslove, odnosno zahtjeve ugovornog organa tražene Tenderskom dokumentacijom E-aukcija nije zakazana, u skladu sa odredbom člana 4. stav 2. Pravilnika o uvjetima i načinu korištenja E-aukcije.

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14, 59/22 i 50/24), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "DINALSA"

d.o.o. Sarajevo, za nabavku radova na izgradnji spomen obilježja poginulim borcima Armije RBiH u Vogošći -naselje Kobilja Glava (dislokacija i ponovna izgradnja), kao prvoplasiranom na Rang listi, sa ponuđenom ukupnom cijenom nabavke u iznosu od 129.909,02 KM bez uračunatog PDV-a, odnosno 151.993,56 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradila: Meliha Čolpa

Kontrolisala: Đejna Sarač

OPĆINSKI NAČELNIK

Migdad Hasanović

Dostavljeno:

1. "GRBO-KINGSTONES" d.o.o. Sarajevo
2. "DINALSA" d.o.o. Sarajevo
3. Nadležnoj Službi
4. U dosije
5. a/a

kingstones.grbo@gmail.com
info@dinalsa.ba